

彈

指

詞

彈指詞卷上目錄

臨江仙 一調

生查子 一調

昭君怨 一調

雙雙燕 一調

青玉案 一調

浣溪沙 二調

傳言玉女 一調

掃地花 一調

柳梢青 一調

春光好 一調

歸國遙 一調

西堂春 一調

南鄉子 一調

定風波 一調

一絡索 一調

望海潮 一調

鳳凰臺上憶吹簫

一調

菩薩蠻

七調

眼兒嬌

二調

師師令

一調

戚氏

一調

天仙子

一調

望江南

四調

青衫濕

一調

八聲甘州

一調

金縷曲

十三調

步蟾宮

一調

喜鶯遷

一調

采桑子

二調

望梅

一調

剪湘雲

一調

河瀆神

一調

醉花陰

一調

偷聲木蘭花

一調

念奴嬌 一調

摸魚兒 一調

虞美人 六調

一剪梅 一調

賀新涼 一調

江神子 一調

燭影搖紅 一調

萬年歡 一調

蘇幕遮 一調

鷓鴣天 一調

沁園春 一調

感皇恩 一調

御街行 一調

醉江月 一調

風馬兒 一調

玲瓏四犯 一調

蘭陵王 一調

驀山溪 一調

木蘭花慢 一調

紅影 一調

疎簾淡月 一調

七娘子 一調

清平樂 一調

浪淘沙 一調

千秋歲 一調

金人捧玉盤 一調

石州慢 一調

聲聲令 一調

御帶花 一調

滿江紅 四調

感恩多 一調

南柯子 一調

河傳 一調

金菊對芙蓉 一調

玉燭新 一調

廬江月 一調

唐多令 一調

殢人嬌 一調

謁金門 一調

孤雁兒 一調

瑣窗寒 一調

添字浣溪沙 一調

踏莎行 一調

南浦 一調

柳初新 一調

漢家傲 一調

滿庭芳 一調

玉漏遲 一調

離亭燕 一調

鵲踏枝 一調

百字令 一調

彈指詞卷上

錫山顧貞觀著

男開陸

孫鍾珣校錄

臨江仙

曾是上清携手處
迢遙笙鶴遺音
水如環珮月如襟
幔亭人杳歸路已難尋
莫倚君身仙骨在
曉霜明鏡駸駸
碧天雲海約投簪
舊歡新別回首兩沉吟

生查子

歌枕背屏山鏡掩
燈明滅香穗弱難扶
一寸金

蠶蠶 抱影欲成眠
翠被寒疑裂
雙筇鞞紅凌
半落聞簷鐵

昭君怨

殘雪板橋歸路的
玉人風度擁袖障輕寒
恣他看
聞道管遊如昨
添個洗紅池閣
掩冉壓
墻花是誰家

雙鬢燕

本意用史梅溪韻

單衣小立正秋雨
槐花鬢絲吹冷鏡
函如水長
憶畫眉人並殘葉
暗飄金井
問燕子歸期未定

傷心社日辭巢不是隔年雙影
香徑芹泥猶潤只一縷紅絲
誤他嬌俊幾多恩怨絮徹杏梁
煙暝傳語別來安穩待二十四番風信
那時重試清狂肯放雕闌獨凭

青玉案

天然一幘荆關畫誰打葉斜陽下
歷歷水殘山剩也亂鴉千點落鴻孤咽
中有漁樵話登臨我亦悲秋者
向蔓草平原淚盈把自古有情終不化
青娥塚上東風野火燒出鴛鴦瓦

浣溪沙

不是圖中是夢中
非花非霧隔簾櫳
窄衫低髻
篔簹相同
清脆鈴聲簷鴿夜
悠颺燈影紙鳶風
此時攜手月溟濛

又梅

物外幽情世外姿
凍雲深護竅高枝
小樓風月
獨醒時
一片冷香惟有夢
十分清瘦更無詩
待他移影說相思

傳言玉女

上元

今夕何年偏覺漏喧人醉星毬高揭是星娥手
綴千樹寶華寧讓六宮翦綵幽歡剛赴密傳詩
謎 走過紅橋第三條忽復會踏歌聲裏聽搔
頭玉墜明月暗塵攪入暖香寒翠為伊耽閣梅
花清睡

掃地花

十六夜陰寒坐卧小樓茫茫百端
不覺為之悽咽

擁爐人倦向煮雪聲中坐愁愁坐巡簷數朶為
丁寧玉笛莫教吹破酷愛高寒紙帳一番清課
肯閒過不律隄糜那禁慵墮 舊約何曾果在

徙倚朱樓迷藏香徑延緣畫舸正離寬欲接斷
烟橫鎖怕夢醒時盱殺滿城燈火問誰箇掩紗
窓更愁於我

柳梢青

花朝春分

乍展芭蕉欲眠楊柳微謝櫻桃誰把春光平分
一半窳憺今朝花前倍覺無憀任冷落珠鈿
翠翹趁取春光還留一半莫負今朝

春光好

上巳

風漸暖雨初晴似朝醒手搗蕙葉雙箭注銀餅

繡得紅羅織窄其如嬾踏青青待擘澄心堂
紙做蘭亭

歸國遙

呼女伴鬪草鬪花輪日換相約羅衣同澣畧嫌
天氣暖 幾摺纜開筠扇莫教題便滿空却迴
文一半有人親落款

畫堂春

湔裙獨上小漁磯鞞羅微濺春泥一篙生綠畫
橋低昨夜前溪 回首棟花風急催歸暮雨霏

霏撲天香絮擁淒迷南北東西

南鄉子

繡榻近來閒似整如歌欲卸鬢自把毛詩教小
鳳關關鸚鵡偷傳喚阿蠻湘管淚痕斑擲罷
金錢弄玉環身似離爻中斷也單單欲展雙眉
又折難

又

春事悔嗟陀啼鳩啼鶻盡已過又是炎天行不
得哥哥鵲語分明喚渡河且莫唱離歌勉共

花陰醉叵羅不信君愁剛一石多多攪入香醪
下燕麼

又

隻影妒雙樓落盡梁間燕子泥待到東南新月
上煙低無奈疏窓只向西珍重語柔荑能得
樓頭幾度携曾是別來相望處淒迷草暗天涯
柳暗堤

定風波

只覺微詞分外尖計疎容易惹猜嫌
蟾子故懸

絲網待無奈落花飛絮一時黏
冷處越須防
妍眼重見那回風格定矜嚴
正是背人成獨語
爾汝又誰偷覩水晶簾

一絡索

推枕依然似昨鬢香雲欲擡
雙眼尚瞢騰記
夢語無端錯
何處一聲催覺曉鶯簾幙
眠時
親手繫花鈴又徹夜風吹薄

望海潮

和嚴荪友照黛詞

山圍擁髻樓開照黛儘容生
老柔鄉一抹愁煙

三分夢雨頻來好處淒涼何許最難忘向埽看
才子訴與何妨生怕添愁只言陳事莫思量

是誰分付成雙記深盟淺諾弄玉騎羊退粉翎
寒傾心葉重曾教費盡端詳待譜就新妝怕不
堪持贈翠珮明珠真帖誰傳為伊臨箇十三行
鳳凰臺上憶吹簫

潤逼琴絲膩勻牋粉困人終日靄靈似春眠未
覺宿醉相兼一種無憀心緒誰還理舊素新縑
愁來也玉肌生粟悄覺寒嚴 鱣鱣何曾比目

向百尺竿頭斷送枯鮎想當初崖蜜知為誰甜
挑取羅巾袖口將往字細齧重搗拚狼藉墨痕
清淚小印紅鈴

菩薩蠻

亂紅新碧陰如幙夾羅初換單綃薄曲檻沸春
聲捲簾無數鶯花叢雙蛺蝶顫向釵叢貼和
笑弄青梅是伊親摘來

又

楚江纔有明珠寄秦樓又惹羅襦繫的的比雙

南雙棲分也甘 歡多愁轉劇兩地尋春約帆
影落平蕪依然范蠡湖

又

隔花誰撼金鈴索東風無賴奪珠箔小膽不成
歡麝衾空晝寒 嬌多搯腕怯薄暈偎雙頰半
餉費矜持贈君千日思

又

頗黎枕滑春雲却殘紅猶自明蘭地好夢覺來
疑歸時說與伊 微霜吹玉貌何處停征棹相

隔只吳關曲屏無限山

又

南音至接所寄桂花忽忽成夢

夜深叢桂飄香雪有人私語憑肩立莫倚玉闌
干人間風露寒 殘妝猶在臂小別千年矣密
約誓他生此生無那情

又

小名

聞呼菡萏渾嬌小芳名已換芙蓉早欲摘奈荷
香絲牽縈恨長 並房紅粉瘦待雪同心藕相
惹復相蓮蓮心萋萋圓

又 迴文

暮煙空碧縈花霧霧花縈碧空煙暮來去莫教
催催教莫去來 影踈侵夢冷冷夢侵踈影留
醉倚香篝篝香倚醉留

眼兒嬌

手捲湘簾雨乍收雙燕小紅樓釀花天氣護花
心性一樣溫柔 知他底事長無語鈿帶縛篴
篴箇中須解寒應勝暖春不如秋

又

綺語無端障已深
羸得誤知音
前身莫在掃花壇
上漱帚千金
自從織女回車路
惜別到於今
閒情慧業一時分
付好費沉吟

師師令

題襟

冰綃霧縠稱楚宮
纖玉稱心花樣稱
身裁教抹作水雲
微綠淡淡海棠紅
一簇配雪蕉橫幅
麝臍龍腦猶嫌俗
畧薰些沉速藕絲
風颭五銖輕都不
似塵凡妝束別繡
寶爛金縷感供如
來金粟

戚氏

二喬觀兵書圖是吳北宮畫

十三篇管曾斷送兩嬋娟何意孫吳却將韜畧
授釵鈿嫣然恰隨肩象牀交倚麝襟聯雙珠巧
合雙璧更無相妒有相憐聞道江上舳艫銜尾
共驚狂虜投鞭待同心僭箸密商帷幄迅掃弋
鋌 妝罷對展芸編蠟丸封就侍女不教宣量
珠做鴛鴦陣裏聚米山川正軍前露布催草簪
花腕弱應自怯如椽擬開屏障試撚霜毫寫箇
赤壁飛煙 銅雀愁深鎖宓妃蕭颯坐老芝田

爭似伊家姊妹恁流離却得好姻緣看他既美

姿顏兼精音樂

吳志策美姿顏瑜精音樂

夫婿人爭羨只英

雄兒女都難戀定霸業追想齊年

二人同年

倩誰

憑阿堵重傳向丹青枕手且閒眠忽西風緊紅
衣卸落並蒂池蓮

天仙子

密密濛濛春幾許斜陽忽送廉纖雨柳煙深鎖
怯憑闌千萬縷飄輕絮薄倖不歸雙燕語

望江南

江南好燕子乍來時
屢喚不應挑筍約欲成
還改護蘭詩風日助相思

又

江南好清簟坐瀟湘
梅雨生憎調黛濕
麥秋偏愛洗頭涼
小立焙茶香

又

江南好秋水晚平橋
千頃綠沈菱葉雨十分香
散藕花潮人倚木蘭橈

又

江南好寒掩小窗紗積雪紅垂天竹子微泉碧
注水仙芽幽事屬誰家

青衫濕

玉蘭堂下新陰薄輕暖復輕寒繡牀開也燕泥
晨落移近闌干日遲人嬾青梅豆澀紫蔗漿
寒別來生受些兒供養也當加餐

八聲甘州

端午

恁喧闐那得怨竟酬羅綺照中流問誰乘片舸
筆牀硯匣冷處夷猶別是沅湘風味都不混葵

榴獨向煙波外占取清秋
當日芙蓉湖上正
水嬉初散社牧空留
忽催歸暮雨小泊近朱樓
最難忘風燈零亂乍隔船
驚見幾回頭傷離緒
綵絲千結囑付親收

金縷曲

秋暮登雨花臺

此恨君知否問何年香消南國美人黃土結綺
新妝看未竟莫報諸軍飛渡待領畧傾城一顧
若使金甌常怕缺縱繁華千載成虛負瓊樹曲
倩誰譜
重來庾信哀難訴是耶非烏衣朱雀

舊時門戶如此江山剛換得才子幾篇詞賦吊
不盡人間今古試上雨花臺上望但寒煙衰草
秋無數聽嘹唳雁行度

又

丙午生日自壽

馬齒加長矣向天公投牋試問生余何意不信
懶殘今芋後富貴如斯而已惶愧煞男兒墮地
三十成名身已老况悠悠此日還如寄驚伏擁
壯心起直須姑妄言之耳會遭逢致君事了
拂衣歸里手散黃金歌舞就購盡異書名士累

公等他年謚議班范文章虞褚筆為微臣奉勅
書碑記槐影落酒醒未

又吳庶寧七十索詞書以壽之

曠達如君幾幾曾誇烏衣列戟向來門第咫尺
樊籠偏謝却裹足輭紅塵裏應自信籌之熟矣
惟有閒身消受得第二泉如鏡山如綺拚歲月
此中寄 人生適意為佳耳莫空過持螯時節
聽鸛天氣茶局縱橫紗帽側一笑紛紛聞螳那
更覓叅同真契辛苦還丹兼辟穀總輸君獨悟

長生理看玉樹繞堦起

又

秋水軒詞一韻累百皆淮南騁李二公與都亭諸摺紳韋布唱酬名作適承遠寄聊復效顰和徐方虎燈下菊影

四壁秋花卷問誰為紫
桑寫照俗塵俱遣天與
高寒風格在簌簌清霜欲
泫背素障光浮魚繭
隨例玉盤承露冷傲慈
恩一抹紗籠淺和雁字
碧空展斜規隙月看逾
顯錯教人圖成沒骨
粉圓脂扁餐盡落英聊
解佩舐掌何愁嗾犬只
妙影蘭膏未免接得芙
蓉城主牒許衆香北面

吾今與更位置燭奴翦

又 仲冬望後二日壽龔芝翁年伯

霽月光風卷恰佳辰陽回黍谷禁寒都遣坐煖

芙蓉三十二

公齋以三十二芙蓉石得名

那覺一條冰法親

領裒吳棧蜀繭風雅友朋俱性命算萬間廣廈
歡猶淺孤掌在快重展
先皇歎息才名

顯墨淋漓堪收閣榻堪題禁扁鳳闕何妨容虎

卧莫問淮南雞犬

相者謂公虎項

吐握慣積勞難免覽

揆正宜膺宅揆往欽哉咨汝夔龍典看綠綬稱

身翦

又

紀樂子微君話舊有感

阜帽緇塵卷任相猜杜陵野老傷心頓遣倦眼
摩挲雙闕望鉛淚銅鑿偷法輦轂下一窩如繭
乘興偶然迷出處泛虛舟試狎蓬萊淺供醉吐
錦茵展身終隱矣那須顯數昇平白門標榜
紛紛潤扁及至時危鉤黨密麀鳳併遭鷹犬羨
此際冥鴻獨免閱盡宮鄰金虎局更何人痛哭
三朝典

芝翁曾為
余說此事

天寶話舌頻翦

文 奉懷柏鄉魏相國時暫假歸里

黃閣仍開卷只敷陳平生四字曇眊盡遺江左
風流歸冀北霖雨九垓春
法看賜甕十圍金繭

公自度曲名
金甕傳奇

國士無雙親下拜問感恩知已誰

深淺先世澤藉公展

公重刻先
編文劄記

副封白去經

綸顯小廷英逾時伏對懷中鷄扁太保只今推
坐論西旅徒然貢犬真異數朝叅暫免所喜

聖朝無闕事且閒刪雅頌兼謨典重補袞五

雲翦

又和汪蛟門同舍納姬

五夜青綾卷帶餘寒却偎燕玉凌兢頓遣起傍
鏡奩看制草銀沫御牋徵法沉水炷博山分繭
鳳閣乍翻新樣出埽宮黃八字看兒淺剔一笑
旅愁展異香莫為更衣顯避人看紫磨纏臂
連宵壓扁傳語當關辭剝啄睡熟金鈴小犬諒
酒債尋常今免十五壺頭諄識字乞簪花價倍
鷓裘典怪惱亂韋腸翦

怪字用燕中市語

又寄吳伯成喜龍光塔工告竣

案積如山卷儘從容手書耳受移時散遣暇即
携觴蕪名客玉版銀鈎光法頻倒屣莫辭重繭
為續鸞絃酌鳳髓便以膠接漆情還淺騰尺木

素懷展

尺木堂名

九龍七級龍光顯憶登高攀蘿

直上指揮輪扁下視桑麻成世界聽徹雲中吠
犬料四牡馳驅不免若過棠陰須少憩採風謠

正屬輜軒典

時已久擢大行

留贈答素毫翦

又

坐周雪客兄弟遙連堂感襟園先生舊事

宦橐書千卷好樓居看山讀畫

讀畫公樓名

煙雲消

遣造物惟將清福忌不管西州悲法憶縞紵遠
投樹繭昨歲梁鴻溪上過謝登堂拜母交非淺
今古誼一時展公才遍歷崎嶇顯却重圍笑
談矢石射烏題扁公在閩有射
烏樓記事午夜九闔爭叩
額散斥狺狺獠犬都不怪希遷數免四字出權
德與張登
文集序 偏喜學陶初願遂整芸籤悉付琳瑯典碩
果盡痛難翦

又 和芝翁題影梅軒詞

舊雨西風捲便重絰天荒地老此情難遣臘粉

遺香留得在兩袖三生紅法誰擘破同心珍蘭
分付鮫人和淚織一絲絲扣入冰花淺來世作
臂紗展非耶立望全身顯太愁予子看峰蹙
雙鬢雲扁縞夜梨冤看似雪吠影心忙粵犬思
與怨而今勾免夢裏錦鞵歡分薄上頭釵判向
生前典緣不了莫輕翦

又

和閨怨嚴蕊友柳絮着並客燕臺即以寄之

無語湘簾卷肯輸他画梁雙宿封侯悔遣紅雨
立殘清露滑繡雀一幫泥法早餒就吳宮八繭

悄向護花鈴索下聽黃鸝罵徹春陰淺容易得
遠山展 遊踪似託韶華顯鬪輕狂謝娘絮薄
沈郎錢扁何處芳叢爭挾彈橫過新豐雞犬趁
買笑鄉愁告免不記臨行針線密綠楊絲繫馬
青衫典休乞句帶重翦

又

梁藥亭解元屬賦紫竹夫人因有所訂

心共香苞卷卸啼妝却施檀暈湘娥恨遣直拂
芸輝綃帳薄雲母簾紋波法新粉撲羅浮蝶繭
說與桐花羞待鳳雪衣寒水月毫光淺窓影在

个人展兔園傍柳名偷顯刻琅玕詞填玉茗
簫圓釵扁搔背何須春筍樣一笑麻姑鞭犬換
翠袖昭容不免占住夜郎終幾節讓扶南暫作
扶餘典佞滿願火籠剪

步蟾宮

閏六月七夕

玉纖暗數佳期近已到也忽生幽恨恨無端添
葉與青梧倒減却黃楊一寸天公定亦憐嬌
俊念兒女經年愁損早收回溽暑換清商翻借
作蘭秋重閏

喜遷鶯

惟期遠近試說向乘槎倩傳幽恨萼綠潛携蘭
香窈約妒殺人間風韻添上青桐一葉減却黃
楊一寸誰同病有淒涼月姊廣寒重暈何損
虛猜道解事天公垂老偏難問繡被經年機絲
匝月到底銀河渡穩寄語多情烏鵲且莫作炎
威準待暗裏把些時倒扣算他秋閨

采桑子

分明抹麗開時候琴靜東廂天樣紅墻只隔花

枝不隔香 檀痕約枕雙心字
睡損鴛鴦孤負
新涼澹月踈櫺夢一場

又

秋來看盡星河也只是孤眠多謝嬋娟再放山
樓一夕圓 牀頭澗響渾疑雨滴破蒼煙小字
香箋伴過泠泠徹夜泉

望梅

中秋

月中秋半正金波委地絳霄層捲唱可哀空憶
人間記一曲賓雲桂亭雙幔碧海青天料今夜

夜涼應倦又無言村杵有淚邊笳不情鄰管
追思十年遊伴歎吳山煙冷廣陵潮滿把清光
比似元宵問姮娥肯放花燈輕換瓜果前頭小
列個結璘香案怕珮聲釵影俱逐曉風零亂

翦湘雲

秋海棠葉底多紅紋偶從山中覓
得一種葉上下純綠正面尤生翠
可愛花復耐久因移植書閣為製
此詞

瘦却勝煙嬌偏宜雨傍窺宋牆陰目斷初遇別
是幽情脂粉外那得紅絲輕許繫天涯歸夢綠
羅裙添兩眉愁聚誰念補屋牽蘿賣珠回去

正袖薄天寒風韻淒楚小蹙凌波鉛淚滴翦破
湘雲一縷向西窓密約美人蕉和影兒私語

河瀆神

密約水神祠辨香心事誰知繡襦同上小名兒
一雙親系干支蕭蕭暮雨芙蓉黑越江猶認
行跡潮沒蘚碑三尺怨魂應始消得

醉花陰

重九

歸雁一聲相識舊嫩橘和霜剖風景入秋悲側
側新寒況是秋深後知道明年還健否且醉

黃花酒休說不須開倘為看花憶著離人瘦

偷聲木蘭花

平分一片蕉陰綠相對妾身原似玉細雨歸帆
臨別啼珠忽滿衫斷鴻雙鯉曾無便驚喜竹
西廊下見記否檀奴衣袖當時水墨圖

念奴嬌

冷清清地便逢歡也則不情不緒況是宵長孤
枕側挨得幾番秋雨蘭炷微沉桃笙半疊送盡
爐煙縷香濃醉薄此愁何減羈旅不過絮斷

柔腸亂蛩枉却費許多言語二十五聲清漏永
儘鼓滴殘雙筍翠濕雲鬟涼侵玉腕那復催砧
杵由他夢醒別來和夢難據

摸魚兒

芍藥簡蓀友

幾多情春歸莫訴下堦親剪紅藥短檠孤影愁
相對教伴綺窓斟酌花睡著護一點檀心不受
東風謔明朝梳掠看鏡裏芳姿阿誰較勝傳語
問青雀瓊肌削似比柔枝更弱半開仍鎖銀
鑰絳綃曾挹經年淚和露封來灼灼休忘却休

忘却年時茅屋空山約從教零落待粉蕊全刪
寶華同證此意儘商畧

虞美人

盤螭約指雙花隱翡翠研宮粉贈來條脫感真
妃莫是興寧六月語楊羲 金軀忽似金甌缺
手挽初弦月倦遊踪跡幾更名好句玉環纖印
記他生

又

內家結束莊嚴相不是慵來樣水晶簾捲半閒

時正好炷香親較晚唐詩 鴛緘忽接郎邊信
為道歡期準寄聲青翰早飛回約共紫藤花下
送春歸

又 蜀茶

燒燈時節傳柑宴青粉墻西見個人偷眼隔窓
紗映出月中根葉雪中花 分明玉茗堂深處
小立垂垂樹間名猶喚內家真一點荔枝飛騎
笑紅塵

又 佛手柑

額黃染甲宮鴉鵲書法誇筋瘦憑將背癢試麻
姑且結蓮臺真印禮南無 色香兼味都超絕
彈指霏輕雪玉纖頻屈數將歸按透斷紋如齧
十三徽

又

暖風遲日烘微醉催上櫻桃會翠娥招手滿船
招看殺帽簷歌側月城橋 勻圓細數盛妝合
待解相如渴丁寧莫受蔗漿寒薄暮來嘗勝雪
小龍團

又

霜寒玉指吹簫歌倚斷秦樓月掃着才子浣花
人不道當時金粟本前身迷藏曲徑鈎衣戲
似夢猶堪記儘留顏色待君憐心字香焦重理
一絲烟

一剪梅

自撥湘絃按紫檀曲向誰彈淚向誰彈蜀茶花
底小紅欄去為誰難住為誰難不施梅額墜
雙鬢春也闌珊人也闌珊相思空覓駐顏丹伊

也摧殘儂也摧殘

賀新涼

用辛稼軒韻代別

愁向清輝說。黯將離、冰紈却扇。香羅替葛，不覺涼颼吹茉莉。回首紗幮似雪，得幾度、為君簪髮。行矣天邊風露冷，漢時關偏隔。秦時月幽怨重。寫瑤瑟。情知又是經年別。轉難忘、憑肩密誓。長生鈿合，此意雙星應鑒取。好耐寒侵肌骨。恩不甚，怕成輕絕。楚辭思不甚兮輕絕來日征帆休便挂聽。殘更軟語，鎔心鐵。銀漢影夜分裂。

江神子

柔鄉無計得徘徊
回首重回
眼重回
願逐飛花和
夢遶妝臺
呵手為卿添翠黛
愁一感
暫時開
狂踪頻問
只佯推
莫相猜
試相猜
驗取心香燒
透不成
灰
蓮葉裁帆
絲繫
紉風便也
藕船來

燭影搖紅

立春

負却韶光
十年眼冷
花叢裏
玉笙寒徹
夢驚回
著處東風
矣猶是
當時春意
漸病酒懷
人天氣
樊川愁
窳繞榻
茶烟鬢
絲吹起
殘雪無多
莫

教容易成流水瓊瑤留伴落梅魂共作冰壺貯
再入茅堂燕子應問我別來何似君看池畔照
影婆娑樹猶如此

萬年歡

人日用史梅溪韻

小綴珠璣玉搔頭觸簾散點晴雪幾箭紅蘭恰
共水仙俱發為約檀心磬口和瘦影伴成三絕
湘屏掩整整斜斜一般冷淡香骨 蕭郎俊遊
未歇乍傳柑時候又擬輕別打疊離情待賞新
年節物挑菜幽期近也試換取練裙文韞臨妝

鏡拂了蛾兒月中早見春月

蘇幕遮

玉爐香誰與共旖旎烟絲吹出羅幃縫雙髮怯
翻寒鬢鬆纔話分攜已做天涯夢 醒時衾還
獨擁約畧離亭人遠雞聲送別是五更愁一種
冷透心窩自恠無端痛

鷓鴣天

往事驚心碧玉簫燕猜鶯妒可憐嬌風波亭下
鴛鴦牒惶恐灘頭烏鵲橋 寒恨葉摘情條舊

時省眼舊時腰可能還對西窗月狼籍桐花帶
夢飄

沁園春

粉蝶烏啼紅橋雁齒昔日亭臺記墮釵聲裡頻
呼小玉鈎簾影畔替摘青梅感絕多情雙燕語
道三歲棲香人未回心期在休教結子辜負重
來歡娛總隨流水尚依然位置沒點塵埃只
淒涼禪榻茶烟空颺飄零酒社蠟淚成堆一種
幽情春草句怕清夢池塘有劫灰長陪著舊雕

攔玉砌花落宮槐

感皇恩

閨閣爭傳捧貼黃
九重新雨露潤蓮幫
錦鞵初學內家粧
今而後啓子足孟家光
按拍鳳頭香儘
春愁穩載莫輕颺
一鈎纖窄待重量
驚鴻影凌波襪誤陳王

御街行

承恩結束辭南內
油壁擁芳塵碎
綠熊茵貼紫貂裘香滿
一身珠翠玉驄驕
軟彩鸞偷傍不覺

珊瑚陸 花叢著眼驚姚魏誰管領霓裳隊祇
應清夜奉宸遊七寶裝成行綴錦帆天子疎狂
魂魄空索瓊花醉

酹江月

楚天舊雨恠新來幻作冷雲殘雪珍重流鶯傳
語道憐取長條休折帶綰同心絲纏續命一寸
腸千結那能此際眼看真箇離別 纔則唱罷
驪駒蘭舟待解早催歸親切君便承恩懷易老
須記瓣香星月范蠡湖頭梁鴻宅畔準擬成三

絕臨岐試問歡期在甚時節

風馬兒

遶闌幽澗乍泠泠又雨一聲聲漏一聲聲兩處
閒眠那夜不同聽更更病眸纔展訝青青是
燈一星星螢一星星偏到薄幃單枕最分明生
生

玲瓏四犯

用史梅溪韻代送

萬斛閒愁問小艇如梭能載多少鳳去臺空俊
賞昔遊重到請解半刻離襟暫領畧布帆清曉

看無言事去江山有淚春歸花草 客中最易
添悽惋便登臨莫傷懷抱願將身作秦樓月移
共秦淮照此意重感殷勤判寂寂廣寒人笑倩
舊時王謝堂前燕子訴伊知道

蘭陵王

江行用史梅溪韻

片帆側斜倚輕衫雪色凝眸倦清鏡窈然隱約
仙娥泛寒碧霜林淚絲織翻作春紅靚飾空蒙
外多少遠山猶是青螺黛痕積 移時共蘭鷁
正乍展香襟旋散瑤席佩珠許傍宮腰摘更瑞

錦分繫寶釵親囑行波棧字莫漫濕附蘋未吹
入岑寂又如昔向洛渚遺塵步韞重鳧鴛鴦
飛去頭俱白奈踏浪難穩郭風無力水雲天遠
只此意怎忘得

驀山溪

庚子秋題長干水榭

多情長願投老秦淮住華髮縱歸來怕不似少
年羈旅橫江酌月才魄怨銷沉歌伴侶邀商女
一曲青衫雨青溪祠宇沒個迎神嫗弱柳繫
興亾尚拂面六朝煙縷無窮金粉都逐去來潮

桃葉渡梅根渚遺恨今何許

木蘭花慢

憶家山似畫寒食後麗人行並纜繫垂楊褰簾
却扇細語閒評綠橫竹爐茶椀也當他斗酒聽
啼鶯記得半塘烟柳昔年曾竚狂生 泠泠歸
夢寄泉聲和醉擁傾城看袖拂烏絲裙揮白練
薄負才情丁寧莫催雙漿待月明清露下秦箏
彈到秋江一曲為誰紅淚飄零

紅影

有命從他薄無才倚佛憐聽小娃親切私語曲
屏邊乍閒情教掠髮更密意試憑肩好減却繻
工夫同理十三絃 偶經挑笋處剛值鬪茶天
泥人何事新來不似從前料多應提起斷腸消
息今番惆悵對花眠

踈簾淡月

沈腰纖細正芙蓉初日露搖珠碎別是天工剪
付一雙秋水丁寧莫作紅樓醉怕情多易添憔悴
曲終人杳數峯江上喚湘靈起 但回首綺

羅叢裡幾曾留得舊香新翠老去風情終古可
憐身世知卿未解閒愁味倚清歌猶滯巴里停
樽如夢願携璧月照他無寐

七娘子

小屏風上山無數就中只問西江路指點孤舟
水村烟渡還愁夢裡行來誤一程程遞相思
舖一更更漏離魂鼓說向天涯今宵最苦怕伊
憔悴還休訴

清平樂

書任城店壁壁上多明季公車名
士留題之作屢經塗抹不復可認

因撮其字句連綴為詞

短衣孤劍舊識新豐店看壓小槽香漱澀醉洗
玉船紅釀 早鶯送客登車依微月射銀沙馬
上續成春夢墻頭笑擲桃花

浪淘沙

客陽邱暮聞絃索同丁葑園賦

判謝却韶華細雨梨花女郎山下夢還家六曲
屏欹三徑掩不似天涯 庭樹欲棲鴉漸暝窗
紗四絃何處撥琵琶拍遍伊涼驚入破颯颯風
沙

千秋歲

宿王舍店衝寒憊甚知有王阮亭和女郎題壁詩不及問也

一鞭誰共剛有愁迎送乘倦解青絲
靸霜威侵酒琰霧氣穿衣縫生戀著黃茅野店雞聲夢

燭淚無端湧三市驚棲動想此際釵頭鳳語吞
鸚鵡喋浴顫鴛鴦凍魂別也曉風殘月兜珍重

金人捧露盤

大明湖暗田紫綸進士時未就廷對翩翩如二十許人云

將以秋月南遊索詞為贈後問其同榜李季霖知田與余皆生丁丑自顧形穉一歎而已

冠春闈遊春苑醉春觴帽簷斜花影悠颺玉河

飛騎似聞爭說李東陽阻風中酒如余者老大
徒傷 美韶年乘逸興登虎阜下錢塘待重沾
桂子荷香休教看殺風流京兆漢田郎歸來學
個省兒畫別樣纖長

石州慢

御河為漕艘所阻

一月長河奈阻崎嶇玉京猶隔滿身風露夜寒
誰問扣舷孤客不如歸去從教錦纜牙樯釣絲
莫負秋江碧何事訪支機悔乘槎踪跡 淒絕
無端閱過戰壘遺屯郵亭敗壁只得幾行官柳

似曾相識琵琶響斷那須月落回船曲終始下
青衫滴曉鏡待重看有霜華堪織

聲聲令

松陵吳漢槎夫人出關令妹昭質以孤孀遠送芝麓龔公盛稱為縞

綦義烈因賦此詞并寄漢槎

香牋晚壘翠黛朝彎燕霜那忽點雲鬢伯勞飛
燕禁骨月恁摧殘盼九天為妾賜環 甚日生
還酒泉郡玉門關燕領小妹上書難麻衣似雪
淚潛潛背人彈本意兒身作木蘭

時尊府君蒙恩免戍竟以

憂卒

御帶花

屢從西華門過金釐玉竦二橋馬上口占

梳妝臺下捫碑字金碧依然天半龍舟窈窕信
波翻太液藕花長滿知否憑高無限意幾增悽
惋傳呼急平明騎馬值紫宸班換 拍點重瞳
親御處飛閣千層彩虹雙轉朱顏頻改都不是
尋常意中庭院飄泊青衫隨例屬天家拘管憶
二十年前慧業侍玉皇香案

滿江紅

甲辰七夕後一日 陸見

曙色天街衣半濕露華涼沁何處是雙星一水

碧空遙浸夾道紗籠趁畫省幾枝銀箭傳清禁
賦春城批敕與韓翃題宮錦 初日耀龍墀陰
杲魚角魚鱗冷向 御爐烟裏瞻 天無任只
覺上清塵土絕那知玉宇高寒甚料孤眠正憶
早朝人歎山枕

又 中秋直院

鳳紙中宵親捧出 九天珠玉只少個添香侍
史對燃官燭絳節高隨銀漢轉紅簷不定金波
浴乍因風吹得到人間霓裳曲 叢桂樹家山

綠歸夢好殘更促又官壺滴罷曉鐘相續蓬勃
鵲爐三殿敞撲琅魚鑰千門肅量 聖朝無
闕更無人青蒲伏

又 書鵲紅棗後

愛酒能詩記舊日踈狂風調曾相識星前擲果
紫衣年少匹馬衫輕愁獨在雙鸞鏡掩虛同笑
又誰銜錦字帝城飛三青鳥 憑寄語歸期杳
剛又被無情惱奈玉容難駐緇塵易老露葉如
啼楊柳陌霜華欲被芙蓉沼悵丹青都是夢中

看今番覺

又題安蒼崖行樂圖

一拂翛然差堪伴
凌雲逸翮聽澗響
泠泠幽瀉俗塵都息
晏坐聊為風月主
縱遊時作湖山客
裒清暉何事轉
沉吟追疇昔
爭染翰西林席
看睹墅南林
屐數君家勝賞會
應重得須信人
生行樂耳殘年
暮景宜珍惜
共蒼崖更結歲寒
交松千尺

感恩多

卸頭燈影背坐擁鴛衾待待聽歸騎聲已三更
猶自辨香親炷禮雙星禮雙星莫遣秋河一
番風浪生

南柯子

為某小侯題照

選勝輕裝出分行小隊齊珠鞭闌過鳳城西一
字沿流同解錦韞泥 玉爪看調鶻花冠簇聞
雞應弦斜拂柳圈低薄醉歸來纖手個人攜

河傳

送友人南還

顛顛經歲封侯何益漫教夫婿道歸須及落花

前果然得人心可憐
看問一粟黃紋小歡應
到勝接回鸞誥說相思
知未知遲遲索他歸夢
詩

金菊對芙蓉

至夜

早換新衣遲添弱綫
且教同坐更闌乍繞簷冰
箸夏碎琅玕今宵海樣蓮花
漏聽兜家數盡悲
歡燕臺夢杳似伊清瘦
可耐嚴寒 雙魚昨寄
平安道夜深風雪正直
金鑿想頰呵凍墨絳蠟
纔乾平明又復催趨走
只空陪綵仗千官口脂

面藥幾時宣賜分餉孤鸞

玉燭新

除夜

百愁今夜掃試熨展雙蛾依然歡笑吟牋繡譜
都刪却悔把韶光誤了擁爐清況差不減沉香
庭燎巡簷罷冷蕊猶含莫被竹聲催覺商量
欲頌椒花看獸炭頻添麝煤輕爆個中冷暖憑
殘漏傳與玉京人道未曾三十明日明年年少
判沉醉兩處無眠五更春好

瀟江月

寄滿願

記寒宵攜手一籬新月三徑微霜臂綃乍惜殷
紅減平生意百劫難忘為我飄蓬由他飛絮惡
風吹墮何方燕臺尺素猶自祝勝常怪啼痕滿
透香囊心知從此別但寄聲珍重莫更思量蜀
道如天侯門似海陌頭容易盼蕭郎除非是星
輶捧節便出瀘江 縱然金屋深藏清笳拍遍
料依舊情傷側身西望貂榆贈雙魚杳不上瞿
塘邛笮煙迷泮河瘴合夢魂可到家鄉烏衣門
巷別後總淒涼又誰過昔日幽窗掃眉安鏡處

任泥翻燕壘蜜浣蜂房黃菊休開紫薇空老見
伊枝葉幾回腸歸來也重逢滿願所願纔償

唐多令

雙淚滴花叢一身驚斷蓋儘當年剩月零風虛
把玉顏臨鏡也渾不似舊時紅 殘粉呀芙蓉
金窠小篆封恨書回忒殺箇箇別有心情難寄
與憑說向欲歸鴻

端人嬌

答同年嚴覽民間余近况

帳掩梅花一炷水沉烟小宛轉薄衾香不了堆

宵亂葉聽西風橫掃纔病起禁得夜深清覺
嗒嗒荒雞啞啞宿鳥明日事又縈懷抱輸他痛
飲把餘寒生拗判醉也能抵獨眠多少

謁金門

三十矣彈指韶光能幾梵課村妝從此始心期
成逝水 那少真珠百琲遲却紅絲一繫得壻
今生應似子斯言猶在耳

孤雁兒

照黛閣藤花

西來爽氣衝簾過映檻外花千朵綠天深護好

樓居益粉莫教彈破芸輝乍暖紫綰垂遍看帳
裏瑤英臥 流蘇百結飄還墮蝶亂處鶯稍妥
十圍溜雨剩霜皮猶帶六朝煙鎖莊嚴便是珠
纓寶絡稱設慈雲座

閣為西山楊氏家園第一勝處有紫藤數株絡石凌

霄覆滿如帳不計其為何代物也

瑣窗寒 前題初本

簾捲西山水犀斜押燕泥晨澗濃陰覆滿蕊粉
綠天彈破憶初時豈寇重舍春歸不覺檀心頗
侶芸輝堂靜紫綰微揭帳垂人卧 婀娜粧成

後訝鏡裏虬髯橫，窺梳裏玉龍遺。蛻猶是六朝
煙鎖舊長生，鈿合難尋阿環宛。在雙藤左供莊
巖寶絡珠纓，誰設慈雲座。

添字浣溪沙

姚灣杏

淡淡胭脂薄薄綃，水邊分得日邊嬌。七十二峯
螺黛影上花梢。望逐晴波浮絳雪，行沾暮雨

暈紅潮。誰與石仙相對賞，有山樵。

湖邊山下居民無不種杏

者而姚灣尤盛傍崖有兩石仙衣冠甚偉過者
肅然起敬山樵余自署云

踏莎行

鵝湖菱茨

穉澀全消勻圓競熟同時二妙秋湖曲阿環繞
譜荔枝香采蘋休却珍珠斛 蘭槩遲歸摘酣
冰玉水仙風味宜新浴相思一夕渚煙深短簑
無恙萼絲綠

吾鄉菱芡惟出此湖者可敵松陵他處並遠不逮

南浦

西施莊玫瑰

夾城春晚待重尋遺跡訪嬌娃踏遍尋常巷陌
邂逅女郎花不改昭容雙袖只生憎蜂蝶掩籬
篋願從今喚作苧蘿村裏一種舊桑麻 追憶
藥欄多麗左家香何必讓姚家猶似煙籠沉麝

拂曙點檀霞

牡丹左紫並黃姚黃
烟籠紫亦牡丹名

和露摘來簪

髻九雛釵璀璨映盤鴟莫碎研紫粉臂綃潛換

守宮砂

莊在夾城世傳鴟夷入五湖時居此向
以牡丹得名今所見者玫瑰而已

柳初新

水仙祠下柳

南朝一片傷心雨總被垂楊畱住水村山郭紅

橋倚遍極目亂飄金縷能有春情幾許怕重來

撲天飛絮當日別離無據知他可憶長亭語

狂蹤約畧酒醒殘月多在亂鶯啼處添得倚風

凝佇念天涯有人羈旅

柳陰一長板橋紅關
浪咫尺西定極烟水遠

迷之致惜無人解唱雨霖鈴問明朝酒醒何處
耳

漁家傲

薛溪桃

曲水平橋通宛轉船頭響細春潮淺小泊村扉
爭吠犬人不見落紅如織漁罾眼 橘刺藤梢

隨徑剪游絲醉拂東風軟薄暮酒旗青一展衫
袖捲數錢曾識當壚面

溪甚曲橋甚低泛小舸
行村落間如在畫中滿

溪花片自清明至四月不絕

滿庭芳

東亭桂

徑敞深秋輪安滿月綠陰長對清圓金泥衫冷

颯沓委金鈿五夜粉靄不絕涼如水勝挾飛仙
乘風去蕊珠宮闕能得幾回眠 當年攜伴侶

小山沉醉鬪韻分箋縱閒愁吹墮不到舳船欲
寫狂歡舊夢知誰在曲閣闌邊憑記取生香真

色寫照屬黃荃

東亭為華學士子潛別墅有東
西兩園西岑華堂最勝後歸上

谷花時每與衣澹蓉濱暨鄧黎耆諸兄弟觴詠
其中

玉漏遲 藕蕩蓮

片帆無恙否湖光開鏡晚烟低沒折戟沉沙中
有小喬香骨一夜凌波喚起又欲語盈盈佯活

秋水濶蒹葭玉樹總嫌唐突
新來著個漁人
縱棹解菱絲綠簑慵脫滿目愁予管領斷橋風
月載去亂頭粗服鎮相對澹妝濃抹凝佇切今
生為他消渴

離亭燕

前題改本

煙水晚來空闊望處白鷗飛沒折戟沉沙磨不
盡中有小喬香骨誰喚起凌波欲語亭亭似活
鈞罷綠簑慵脫禁底畫橈輕撥粗服亂頭相
對處絕稱淡妝濃抹俗累此全遺翻恐為伊消

渴

地近楊湖暑月香甚其旁為埽蕩營蓋元明間水戰處也蘇友往來湖上因號藕蕩漁人

鵲踏枝

顧山山茶

花覆七樓紅十里遍數東南此樹曾無比碧海
扶桑差可擬綠雲稠疊丹霞綺 歎息唐昌遺

玉蕊奕葉蟠根今日能留幾一宿祇園懷帝子

夢魂何處空煙水

山當無錫江陰常熟三縣之界上有古觀音院山茶一株

傳為梁昭明太子手植首句載虞山志明嘉隆間樹朽萌蘖復生今猶未及其半也

百字令

朝來雪塞衡衡口東草場東第七條即與伴花人相對處也

天涯絮語分明對夜雪蓬窗相共十疊鸞箋千

斛酒不覺漏聲寒凍繡被濃熏羅幃獨掩各自
耽幽夢冰壺心冷起居千萬珍重 回念書閣
淒清澹煙和月正梅花香動一自伴花人遠別
空挂綠毛幺鳳妙解迴紋清談步障並是多愁
種擘霜搗盡玉漿應許親送